



'Allahumme inni es'elukel-afijete fid-dunja vel-ahireti

Od Ibn-Omera, radijallahu anhum, prenosi se da je rekao: "Allahov Poslanik, sallallahu alejhi ve sellem, nije ostavljao ove riječi kada je omrkavao i osvanjivao: 'Allahumme inni es'elukel-afijete fid-dunja vel-ahireti. Allahumme inni es'elukel-'afve vel-'afijete fi dini ve dunjaje ve ehli ve mali. Allahummestur 'avreti (avraati), ve amin rev'ati.

Allahummahfazni min bejni jedejje, ve min halfi, ve 'an jemini, ve 'an šimali, ve min fevki, ve e'uzu bi azametike en ugtale min tahti / Allahu moj, tražim od Tebe svaki spas, i na ovome i na onome svijetu. Allahu moj, tražim od tebe oprost i spas, u mojoj vjeri, ovosvjetskim poslovima, porodici i imetku. Allahu moj, pokrij moje nedostatke i umiri moje strahove. Allahu moj, sačuvaj me s moje prednje i stražnje strane, i sa desne i sa lijeve strane, i iznad mene, a Tvojoj se veličini utječem da budem zgrabljen odozdo."

[صحيح] [رواه أبو داود والنسائي وابن ماجه وأحمد]

Poslanik, sallallahu alejhi ve sellem, nije izostavljao ove dove kada bi omrknuo i osvanuo, a njihovo značenje je sljedeće: Allahu moj, tražim od Tebe svaki spas i sigurnost od bolesti, nevolja i teškoća dunjalučkog života, kao i od strasti i smutnji u vjeri. Za ovo Te molim i na ovome i na onome svijetu, odnosno da mi uslišaš ovu dovu kako u ovom životu, tako i kada budem proživljen. Dova znači: Allahu moj, molim Te za oprost, da mi izbrišeš grijeha i pređeš preko njih, i molim Te za spas i sačuvanost, tako što ćeš me sačuvati od svih mahana, bilo da su one u praktikovanju moje vjere, kao što su širk, novotarije i grijesi, ili da su vezane za dunjalučke poslove, koje mogu pratiti nedaće i poteškoće. Također, molim Te da me zaštitiš kada je riječ o mojoj porodici, supružniku, djeci i rodbini, kao i o imetku koji stičem svojim radom. Allahu moj, pokrij moje nedostatke, mahane, propuste i oprost mi grijeha, i umiri moje strahove i brige koje osjećam. Allahu, sačuvaj me i udalji od mene nevolje i štete koje me mogu pogoditi s bilo koje strane (sprijeda, straga, s moje desne strane, s lijeve strane i odozgo). Ovim je zamolio da ga Allah sačuva sa svih strana, jer nevolje i nesreće dolaze čovjeku s jedne od ovih strana. A Tvojoj se veličini utječem da budem zgrabljen odozdo, tj. da ne budem iznenada uništen, pa da me zadesi propadanje tla.

النجاة الخيرية
ALNAJAT CHARITY

